

Gvangjsih Minzczu Bau

Cawjguenj: Gvangjsih Bouxcuengh Swcigih Minzczu Cunghgyau Swvu Veijyenzei

Cawjbanh: Gvangjsih Minzczu Bause

Geiz neix 8 banj

广西民族报 Aenhauh okbanj: CN45-0036

B.2025

Nd.7

Ng.30

Liggaeuq ietceih nienz nyinh ndwenloeg coloeg Geizsoq: Gungh daih 3679 geiz

Gaiq Daihhaj Bouxgangjgej Gojgaeq Saekhoengz Doldax Guhsat Duenzdaiqbiuj Gvangjsih Baez Nduj Ndaej Baizgim Cujciennieb

7 nyied 14 daengz 25 hauh, gaiq daihhaj bouxgangjgej gojgaeq saekhoengz doxdax youq Huznanz Cangzsah guh, doxdax dwg Cunghyangh Senhconzbu、Vwnzva Caeuq Lijyouz Bu、Guekgya Vwnzvuzgiz doxcaez cawjbanh. Aen duenzdaiqbiuj Gvangjsih baez nduj ndaej baizgim kujciennieb aen doxdax neix, Cwngz Veih bouxgangjgej Gvangjsih Minzczu Bozvuzgvanz ndaej mingz daihngaih kujciennieb, ndaej

haeuj aen hangzied “bouxgangjgej baizgim” daengx guek.

Gaiq doxdax neix dwg vihliux geiqniemh bouxminz Cungguek dingjhoenx Yizbwnj nem seiqgyaiq fanj fazsihsw hancwngh ndaejhingz 80 hopbi, ciuyinx 175 boux bouxgangjgej maenhndei daengx guek 31 aen swngj (swcigih、cizyazsi)、Sinhgyangh Swngheanj Gensez Binghdonz caeuq bingdoih hidungj daeuj camgya doxdax, doeklaeng

bingzsenj ok “bouxgangjgej baizgim” “bouxgangjgej gagnyienh baizgim” gak 10 boux. Boux daiqbiuj Gvangjsih camgya doxdax, Cwngz Veih baengh bonjsaeh ak caeuq gojgaeq yinx ndaej cingzcek ndei.

Ciuq Swcigih Vwnzva Caeuq Lijyouz Dingh mizgven bouxfucwz lwnh, Gvangjsih itloh yawjnaek hwnqguh aen doih bouxgangjgej saekhoengz, gaeng laebdaeb haj gaiq baij vunz camgya aen doxdax neix,

seiq gaiq gonq boux ndeu ndaej aen mingzdaeuz baizgim kujgagnyienh, 6 boux ndaej bouxgangjgej maenhndei kujciennieb、3 boux ndaej aen mingzdaeuz bouxgangjgej maenhndei kujgagnyienh. Baezneix ndaej baizgim kujciennieb, yaek gya lai doinyoengx vatcimh caeuq cauhmoq cienzboq gojgaeq saekhoengz Gvangjsih, coenghregz Gvangjsih baeyouz saekhoengz hwnghat ndei saed.

(Cuh Yingjyih Mungz Gingcinh)

Sawcuenh Canghraiz Gvangjsih 《Daxdaiq Langzdung》Ndaej Ciengj

7 nyied 25 hauh, ciengjvwnzyoz lwngyez maenhndei daengx guek gaiq daihcibngeih bingzsenj sat, daengx guek miz 18 bouh (bien) cozbij ndaej ciengj, canghraiz Gvangjsih Vanz Yungjyingh cozbij 《Daxdaiq Langzdung》 ndaej ciengsawcuenh, neix dwg gek 15 bi, canghraiz Gvangjsih youh aeu ndaej aen ciengj neix. Daengz seizneix, Gvangjsih gaeng miz 3 bouh cozbij ndaej aen ciengj neix.

Cozbij dwg aeu ndwenngoengz daihneix guh lamzbonj, lwnh cau h gij yienghsienq dah lwngyez daj baknaek gangj noix daengz bakvan bakraez ndeu, caeuq gij yienghsienq boux daxdaiq ginggvaq haemzhoj sienhsoh hix mbouj bienq ndeu. Vanz Yungjyingh dwg Gvangjsih Cozgyah Hezvei fucuzsiz、canghraiz vwnzyoz lwngyez mizmingz, okbanj miz 100 lai bouh cozbij vwnzyoz lwngyez, ndaej ciengjvwnzyoz lwngyez gozci Ciz Bwzcuih、ciengsawdoz lwngyez Binghsinh daengj gvaq. Cozbij 《Daxdaiq Langzdung》 ndaej ciengjgim ciengsawcuenh lwngyez Cauz Vwnzsenh boicieprengz gaiq daihsam gvaq. Ciuq cam rox, ciengjvwnzyoz lwngyez maenhndei daengx guek dwg bi 1986 laeb, caeuq ciengjvwnzyoz Mauzdun、ciengjvwnzyoz Lujsin、ciengjcinmaj cau hguh vwnzyoz minzczu vunznoix daengx guek caemh dwg seiq aen ciengj vwnzyoz hung daengx guek, muzdiz dwg gikcoi cau hguh vwnzyoz lwngyez maenhndei, doinyoengx vwnzyoz lwngyez mwnhoengh hwnghat, dwg aen mingzdaeuz ceiq hung vwnzyoz lwngyez Cungguek.

(daj 《Gvangjsih Yizbau》 aeu daeuj genj hoiz Linz Seznaz)



Bingzloz Daengz Cauhbingz Gauhsuz Guh Ndaej Swnh

7 nyied 26 hauh, Gvangjsih Bingz Cauh Gauhsuz (Gveilin Si Bingzloz Yen daengz Hocouh Si Cauhgingz Yen) Bingzloz baihdong giuzlaebgyau guh ndaej baenz, seizneix cingq bu najgiuz caeuq guh gaiq dangjhenz, gujsuenq byaibi Bingz Cauh Gauhsuz daengx diuz guh sat doeng ci. Ndaew doz dwg giuzlaebgyau guh ndaej baenz.

(Liz Gezyenz ingj)

Rag Gyong Myauzczu Yungzsuij Senjhaeuj Hanghmoeg Minzczu Maenhndei Vwnzva Dijyuz Cunghvaz Bi 2025

7 nyied 27 hauh, Liujcouh Si Dijyuzgiz lwnh vunzlai rox, Guekgya Dijyuz Cunggiz Dijyuz Vwnzva Fazcanj Cunghsinh 7 nyied 24 hauh goengbouh aen dunghcih sw hliu bauqsoengq danhvei senjhaeuj hanghmoeg maenhndei vwnzva dijyuz Cunghvaz bi 2025, Liujcouh Yungzsuij Myauzczu Swciyen rag gyong Myauzczu Yungzsuij ndaej senjhaeuj hanghmoeg minzczu maenhndei

vwnzva dijyuz Cunghvaz.

Ciuq cam rox, rag gyong Myauzczu riuz youq Liujcouh Yungzsuij Myauzczu Swciyen Ganjdung Yangh daengj 15 aen yangheic, ndawde daegbied dwg ciet rag gyong Yauzgau Ganjdung Yangh ceiq hoengh. Baez daengz ciet rag gyong, Myauzczu dangdieg caeuq vunzlai minzczu wng daengx ranz、daengx mbanj caez bae angqhoh, gyalai nyinhdoengz

minzczu vwnzva、hawj gak minzczu lai doxcomz、lai doxrox. Yienghsaeh rag gyong Myauzczu baenz aen daiz hung langhbaij caeuq cienzswnj gij laex ciuhgeq Myauzczu caeuq aenvenz、fwen、ndangdaenj doenghgij vwnzva neix. Seizneix, aeu rag gyong Myauzczu gaijbaenz caij din venz rag gyong, cungj minzczu dijyuz doxdax hanghmoeg caeuq bengcag doxlumj.

(Cinz Goh)